

ত্রিপুরা সরকার
তথ্য ও সংস্কৃতি অধিকার

স-৩৬৮৫
জিরানীয়া, ১৬ নভেম্বর, ২০২৩

মান্দাই ব্লকে স্বাস্থ্য শিবির

বিকশিত ভারত সংকল্প যাত্রা ও প্রতি ঘরে সুশাসনের দ্বিতীয় পর্যায় উপলক্ষে গতকাল মান্দাই ব্লকে এক স্বাস্থ্য শিবির অনুষ্ঠিত হয়। শিবিরে তিন শতাধিক রোগী বিনামূল্যে স্বাস্থ্য পরিষেবার সুযোগ গ্রহণ করেন। শিবিরে মান্দাই বিএসি'র চেয়ারম্যান বীরেন্দ্র দেববর্মা বলেন, প্রতিটি গ্রামপঞ্চায়েত ও এডিসি ভিলেজে কেন্দ্রীয় ও রাজ্য সরকারের বিভিন্ন প্রকল্পের সুবিধা যাতে সাধারণ জনগণ গ্রহণ করতে পারেন সে লক্ষ্যে গতকাল থেকে বিকশিত ভারত সংকল্প যাত্রা শুরু হয়েছে। অনুষ্ঠানে বক্তব্য রাখতে গিয়ে মান্দাই ব্লকের অতিরিক্ত সমষ্টি উন্নয়ন আধিকারিক পূজন সেন জানান, সরকারি প্রকল্প ও পরিষেবা সমূহের তথ্য সমৃদ্ধ ভ্রাম্যমান প্রচার বাহক গতকাল আগরতলার রবীন্দ্র শতবার্ষিকী ভবন থেকে যাত্রা শুরু করেছে। আগামী ৩০ নভেম্বর পর্যন্ত এই ভ্রাম্যমান প্রচার ভ্যান মান্দাই ব্লকের ২৬টি এডিসি ভিলেজে প্রচার অভিযান চালাবে। স্বাস্থ্য শিবিরে উপস্থিত ছিলেন মান্দাই বিএসি'র ভাইস চেয়ারম্যান বিকাশ দেববর্মা, বিশিষ্ট সমাজসেবী তরিৎ দেববর্মা, অজিত দেববর্মা, অভিজিৎ দেববর্মা ও বিপিন দেববর্মা। অনুষ্ঠানে স্বসহায়ক দলের সদস্যরা তাদের সাফল্যের চিত্র তুলে ধরেন।
